



J. BIÖRN.  
EPIST.  
AD  
SPIEGEL.



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 406 4°







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 406 4°



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 406 4°



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 406 4°




46. - 105


LN 406

M









EPISTOLA CON-  
SOLATORIA  
**IACOBI**  
**BIORNONIS**  
NOBILIS  
DANI,

A D  
DOMI Nobilem Iuuenem, GEOR-  
GIUM SPIEGELIVM,  
Gente Danum, de obitu  
Matris.

*ELEGIA EIVSDEM ARGV-  
menti ad eundem Nobilem, M. Iacobi Ha-  
sebardi Dani, cum Epitaphio Ma-  
tris illius Catharina Anafel-  
dina, Matrona No-  
bilissima.*

BASILEAE, EX OFFICI-  
na Oporiniana, Anno  
1583.







**V**ULNERA corporum nostrorum,  
Georgi Spiegel, amice constantissi-  
me, refricata, vel aliàs recrudescencia,  
cùm ita maiorem dolorem adferant  
quàm noua: quis sanus miretur, animi uulnera,  
tum grauius nos affligere, tum etiam molestius  
à nobis ferri? Quippe cum plus æstuent morbi  
animi quàm corporis: quid est, cur quis hoc pro  
nouo habeat, eius paroxysmos recurrentes nos  
languidiore reddere?

*Et cùm longa dies sedauit vulnera menti,*

*Intempestiuè qui mouet illa nouat.*

Tibi verò cùm hisce diebus fissura, quæ iam  
coire uelle uisa est, in hiantem aperturam abie-  
rit, lectis scilicet literis ex Patria acceptis, quibus  
certior factus es de obitu Matris tuæ: non potui  
non ex amicitia nostræ lege facere, quin de re-  
medio, quo tibi succurrerem, cogitarem. Aegro  
corpori Medicus opem fert: at amicus oratio-  
ne mentis ægritudinibus succurrit. Ac quamuis  
agnoscam me huic prouinciæ, quam suscepi, im-  
parem: committere tamen nolui, quin quid pos-  
sem, tentarem: ne tibi (in cuius ære sum, & cum  
quo non solum in hac Basiliensi, sed etiam Ro-  
stochiensis Academij iucundissimè vixi, in Li-  
psensi in transitu salutau) opera mea, qualiscun-  
que tandem illa sit, defuisse videatur.

A 2 Cogi



Cogitanti autem mihi, & vndequaquē circum-  
spicienti, quānam huic morbo potissimum ad-  
hibenda medicina, nō potui satis Dei Ter Opti-  
mi Maximi hac etiam in parte prouidentiam mi-  
rari, quod Ecclesiæ suæ (quæ vtplurimum in  
hoc suo exilio cruci subiecta est, & cum ea con-  
flictatur) multo efficaciora pharmaca, quā cē-  
teris hominibus, etiam ipsis huius mundi sapien-  
tibus, præscripsit præstituitq̃.

Etenim si quis philosophorum, ethnicorum,  
cæterorumq̃, antipharmaca cum diuinis confe-  
rat, & iuxta se inuicem examinet: tantum inter ea  
interesse, quantum intra <sup>et</sup> gemmam & vitrum di-  
scriminis est, inueniet. Ego in præsentia, si vnum  
aut alterum maxime illustrium adduxero, eui-  
dentia causa, suffecturum existimo.

Hoc ferè præcipuo in solandis dolentibus v-  
tuntur argumento, vt dicant necessario ferenda  
esse quæ fato accidunt, cum ea nullatenus à no-  
bis prohiberi aut mutari possint, nec in nostra  
potestate sit, auertere euentura, aut corrigere fa-  
cta: siquidem lex sit vniuersi, quæ iubeat tum na-  
sci, tum mori; &c. Sic Cratippus, Ciceronis iu-  
dicio, philosophus sui temporis summus & acu-  
tissimus, Pompeiū Magnum, præstantissimum  
illum belli ducem, apud se conquerentē, secum-  
que de Imperiorum periodis & vicibus rerum,  
vt sibi



vt sibi videbatur iniustus, disputantem, consolatus est. Hac præterea ratione ad subleuandam mœrentium molestiam utebantur: Cum vita, aiebant, nemini vacua sit molestijs, nec ullus inueniatur mortalium, qui non suos pateretur manes: stultum esset, peculiari quodam priuilegio gaudere, melioreq; fortuna uti velle, cæteris.

Quo modo Demonax quendam filij mortem immoderatus lugentem, cum is in loco obscuro se abdidisset, accessit, ac constanter pollicitus est, se filij vmbram ab orco reducturum, si tres ex omni hominum numero monstrasset, qui nunquam alicuius obitum fleuissent. Quumq; is cogitationem per omnes circumferens, ne vnum quidem reperisset luctus expertem: quid igitur, inquit, te ipsum discrutias, o homo, quasi nouum aliquid tibi acciderit.

Eodem etiam cum omnes tēdamus, nihil amplius accepturi serius profecti, quam qui ocyus accesserunt, cur de mortui Sophorum sententia lachrymandi? Sic suum amicum, referente Plutarcho & Stobæo, quidā alloquitur & erigit: Lugēdi sunt, inquit, moderate cōiuncti olim necessarij. Nō enim mortui sunt, sed eandē viam, quā ingredi omnibus impositum est, præiuerunt. Nos etiam in posterum in idem diuersoriū, communem cum reliquis acturi vitam, veniemus.

A 3 Agno-



Agnouerūt insuper, aduersos casus modestiā docere, prout Darius Persarum Rex, Xerxis pater, de se prædicare solitus est: se bellis & casibus aduersis, quibus expeditiones scatent, factum prudentiorem.

Præterea & hoc addere solebant, quod usu, ut videtur, didicerant: Hominem, qui in aduersum casum incidisset, si eum forti ac magno ferret animo, plerunque fortunam suam in melius vertere. Quod philosophi, Arsinoes Regine dolorem lenire volentis, oratio confirmat. Quum Iupiter, inquit, inter Dæmones rerum faceret partitionem, Luctus nō aderat, sed distributio iam peracta venit. Huic igitur cum Iupiter aliquid honoris tribuere vellet, nec esset quod daret, quippe iam consumtis omnibus, tandem assignauit illi exequias, quib. venerationis ergo demortuos prosequi solemus, veluti lachrymas, mœrores & id genus alia. Quemadmodum aut ceteri Dæmones bene vellent ijs, à quibus colerentur, itidem & Luctum. Quod si eum cōtemseris, o Regina, haudquaquam ad te veniet: contra si supersticiosè illi impenderis obseruatiā à Ioue collatā, lamentationes nempe & ciulatus, diliget te, semperque tibi suppeditabit aliquid earum rerum, quibus perpetuò abs te possit ornari. Denique (ut cætera eorum argumenta  
omittam,



omittam, cum ea omnia recensere non sit propo-  
situm, nec ea tanti, ut iam adducta, sint momēti)  
docuerunt in malis bene sperandum esse: cum  
ipsa fortuna deploratis rebus optima quæq; sug-  
gerere soleat.

Hæc quidem aliquo sunt habenda loco & nu-  
mero, sed ferè ficulneum & coriaceum auxilium  
dici merentur, si cum ijs conferantur, quæ beni-  
gnissimus Pater cœlestis, in quo omnia sunt, spi-  
rant & mouentur, electis suis ex suo pharmaco-  
polio depromenda ordinauit. Nam de causis  
malorum: cur patienter ferenda: quare modeste  
tolerantes citius vel finem assequerentur, vel le-  
uamen sentirent: qua ratione aduersa modesti-  
am docerent: quam ob causam in afflictioni-  
bus meliora speranda, eis non ita ut nobis con-  
stitit: & assensus de liberatione ex aduersis in eis  
languidus fuit: nec utrum post hanc vitam alia  
restaret, satis nouerunt. Nobis autem cum hæc  
dulcissima & augustissima præsidia, quibus in-  
fortunijs occurramus, patefecerit & concesserit  
Deus, non est cur gētium more, nos nimium de-  
bilitari, atque adeo prosterni sinamus: sed poti-  
us rerum omnium conditori & conseruatori,  
pro hisce etiam beneficijs gratias agamus, & ad  
ea in calamitatibus, tanquam ad portum sacrām  
que anchoram, confugiamus. Siquidem mor-  
tem



tem & cætera mala peccati præmium esse, com-  
pertum habemus: nec, cum omnes peccatores si-  
mus, propterea desperandū esse, cum Christus  
satisfecerit pro nobis, & apud Patrē cœlestem  
intercesserit, & adhuc quotidie suum pro nobis  
alleget meritum.

Mala præterea vel hanc ob causam eleganter  
ferenda, ne gigantum more Deo repugnemus,  
& hac ratione maiora incommoda nobis arces-  
samus. Hinc etiam fit, quod Numen manum  
suam cōstanter ferētes liberat citius & eripit, cū  
eius voluntati morigerentur & obsecundent.

Cœli terræq; Dominus insuper nos rebus tri-  
stibus & miseris cohercet, ne affectus nostros,  
qui semper velut in præcipitio positi, ad præ-  
uium inclinant, secuti, ab eo declinemus, & præ-  
cepta eius transgrediamur. Deinde non est cur  
in ærumnis animum despondeamus, cum sum-  
mus ille Monarcha nos nō solum ingentē spem  
cōcipere iubeat: sed etiam se nobis adfuturum,  
in fortuna vehementer reslante & aduersante,  
auxiliaturum, dolores leniturum, nec plus im-  
positurum quā ferre possimus, & tandem li-  
beraturum, polliceatur: quod etiam multis & il-  
lustribus exemplis confirmauit.

De hisce cū gentibus nihil manifestatū fue-  
rit, nihil mirum illas de subsidio dubitasse. De-  
nique,



niue, cum fidissimus pater nobis gregi suo re-  
uelauerit, post hanc vitam aliam secuturam, in  
qua pñs bene erit, & præmia, vt gratuita sit, opta-  
tissima reportabunt: mali autem quales fuerūt,  
talem etiam consequentur mercedem: idcirco  
pñs nos adiungamus, & ad Deum vnum, tan-  
quam summum bonum & verè sacrum mani-  
pulum, respiciamus & aspiremus.

Sed de his multis rhetoricari supersedebo, cū  
vbicq; Christianis obuia, tibiq; ex literarum stu-  
dijs notissima sint. Igitur vt ex infinitis optima  
decerpam, tibiq; applicem, prima quidem fron-  
te non miror, te molestius ferre obitum Matris  
tuæ charissimæ, cum in generosis naturis pecto-  
ribusq; ferè ardentiores sint *σὺρ γὰρ* erga Heroi-  
cos parentes, qui longam præstantissimorū Ma-  
iorum seriem, uirtutum successione, auiti et mul-  
tiplicis ornamenti propagandi tuendiq; causa,  
ceu Lampadem uirtutis & gloriæ, liberis in ma-  
nus tradiderunt, toti prosperitati decenter & or-  
dinè præferendam: quumq; nulla mortaliū opi-  
nionē sanctior sit in terris necessitudo, quàm ea,  
quæ unicuiq; sit nostrum cum parentibus, quæ  
quo maior est, hoc maiores in animis nostris pa-  
rit affectus: nec vllō arctiore vinculo homo ho-  
mini iūgitur, vllōue minus solubili nexu, quàm  
eo quo liberi parentibus: quis igitur non laudi

B potius



potius quam vitio tibi Christiana charitate im-  
buto vertat, quod Parentis deploras obitum.

Ast dum intueor, quis sit nunc mundi huius  
status, non video quare illos in vitam hanc reuo-  
care velimus, qui in Christo pie decesserunt, &  
aeterno cum eo perfruuntur gaudio laetitiaque.

*Bella gerit Daemon, & iniquæ dedita rixæ,*

*Militat in medijs turba nephanda vijs.*

Quapropter tu illi potius hunc felicitatē gra-  
tulare, quod vita pie (quantum ex alijs audio)  
& vt heroicam foeminam decebat, exacta, bona  
fama post se relicta, antequam grauiores huius  
mundi malignitates & aspiceret & experiretur,  
hinc abierit. Nec tui muneris hoc esse præcipuū  
puta, defunctam questu prosequi ignauo, sed  
quæ voluerit, meminisse. Quis vero non exi-  
stimet, illam summis votis exoptasse, vt sine la-  
chrymis tempus illud, quod ea ablata Diei Au-  
thor tibi tributurus est, in religioso gaudio con-  
sumas. Acquiesce igitur in consilio & volun-  
tate Dei, cum ad bonum finem tendat, & quod  
constanter ferendo plus impetrare possis quam  
amissum sit, semperque sic age, vt finem hunc ha-  
beas propositum, nempe eo veniendi, vbi eam  
esse confidis. Quod nobis largiatur is, qui solus  
dare in potestate habet. Tu vale, hancque meam  
opellam boni consulito. Basileæ,

1583. Kal. Martij.



ELEGIA CONSOLA-  
TORIA AD D. GEORGIVM SPIE-  
GELIVM, NOBILEM DANVM,  
amicit. & beneuol. ergo  
scripta

M. IACOBO HASEBARDO  
DANO.

**N**ox erat & tacitis latitabant nubibus astra,  
Condideratq; suas pallida Luna rotas,  
Iam sua concessit fessis nox ocia nervis,  
Languida iam fouit membra sopore quies:  
Me quoq; tum sensim fusco velaui amictu,  
Et pressit dulcis lumina nostra sopor:  
Hinc mox insolita sub imagine somnia finxit  
Somnus, qui varijs ludit imaginibus.  
Namq; ad Museum pullâ Dea cyclade gressus  
Dirigit, & vultus turbida, sparsa comas:  
Adducit luuenem patria virtute vigentem,  
Fingentemq; imo lumina mæsta solo.  
Obstupui, & mea mens iam sacro tacta calore,  
Augurio sensit numen inesse nouo.  
Dum verò occultas cupio perquirere causas,  
Dum reprimis vocem mixtus amore metus,  
Ingemit ac mæstis exsoluens pectora dictis,  
Affata his luuenem vocibus illa refert:

B 2

Dum



*Dum properata gemis dilecta funera matris,  
SPIGELI, nostri spesq; decusq; chori:  
Scilicet & iusta est huius tibi causa doloris,  
Et non immerito te tua damna mouent.  
Fudit enim dias humana in pectora dotes  
Humani generis conditor ipse DEVS:  
Omnis ut in natis staret pia cura Parentum,  
Hinc ut luceret numinis inde decus.  
Multum etenim prodest natis, Virtutis ut ipso  
Cum bona materno semina lacte bibant.  
Insita sed Virtus studio firmanda fideli est,  
Natura ut mores induat ipsa bonos.  
Hinc amor in sobolem, & pietas dulcissima prolis,  
Ex vno veluti fomite flamma venit.  
At ut concessum est casus lugere suorum,  
Et pius est, matris funera flere, dolor.  
Ne tamen excedat pietas monet optima fines:  
Meta igitur lachrymis est statuenda tuis.  
Nullus enim dolor est, hunc quem non leniat etas,  
Et mens quem nequijt, tempora longa leuant.  
Ergo conceptas, SPIGELI, mitte querelas,  
Flos iuuenum & patriæ nobilitatis honos.  
Ætatis florem, posito mærore tenaci,  
Prouidus ingenij dexteritate foue.  
Et fructum flos iste dabit: tibiserta virescunt,  
Qua proprijs manibus disposuere Dea.*

*Dedita*

Dedita namq; his mens crescit crescentibus annis,  
 Virtus, integritas, candor & alma fides.  
 Excitat ingenuos Virtus animosa fauores,  
 Integritatis ceu semina prima ferens. :  
 Arripit hæc candor qui fixus mentibus hæret,  
 Hæcq; fides stabilis viuidiora facit.  
 O' sincera fides! ô sacra fides! Mortalis  
 Per te mortali dicitur esse D E V S:  
 Sub te cuncta vigent: floret pax aurea, per te  
 Cernuntur fructus dulcis amicitiae.  
 Ergo dum famam generosæ extendere mentis  
 Et cupis, & magnæ nomina laudis amas.  
 Huius ut es, sic semper eris Virtutis alumnus,  
 Qui genus ex longa nobilitate trahis.  
 Præcipue verò te viuida fama parentis  
 Excitet, & stirpis gloria summa tua.  
 Ille tuus genitor generoso est sanguine natus,  
 Aurea qui speculi in stemmate signa gerit.  
 Talia signa decent: nam mens candore redundat,  
 Et veluti è speculo splendida fama micat.  
 Hinc R E X, hinc P R O C E R E S quibus est sat cognita Vir  
 Hinc illum fælix D A N I A tota colit. (tus,  
 Maacte igitur Virtute tua: tua vota secudent  
 Numina, tu decori grandius adde decus.  
 Deniq; quicquid ages, diuæ Virtutis alumnos  
 Dilige: sic recto tramite cuncta cadent.

B 3 Sic



*Sic ait, & liquidas sese subducit in auras,  
Discussusq; meo corpore somnus abit.*

EPITAPHIVM

NOBILISSIMAE ET  
CASTISSIMÆ MATRONÆ, CA-  
THARINAE AB ANEFELD, NOBI-  
lissimi Dn. Iohannis Spiegelij, Dn. de  
Borbiij, coniugis dulcis-  
simæ.

*ASPICIS vt celeri vertantur singula cursu,  
Verset vt instabiles fors male fida vices.  
Aspicias humani brevis vt sit terminus æui,  
Quàm veniat rabido mors inopina gradu.  
Quemuis fata vocant: humili seu sorte parentum,  
Siue etiam à magnis stemmata ducat auis.  
Nam nihil inuito medicamina numine possunt,  
Amittit vires vna vel herba suas.  
Gloria si gentis, clariq; à stirpe parentes,  
Vel magnum antiqua nobilitate genus,  
Laurea Virtutum, flos si pietatis, & almæ  
Iuvisset quicquam forma pudicitiae:  
Non mea rupisset fatalis stamina Clotho  
Inuida proh vitæ quæ Dea finit iter.*

*Ergo*

8  
*Ergo vale Confors thalami: dum fata sinebant,  
Tu mihi tu vitæ dulce leuamen eras:  
Et tibi fida comes salua nam conscia mentis  
Optaui caro casta placere viro.  
Et nati nataeque meo de sanguine, fletu  
Parcite vos manes sollicitare meos.  
Nam mihi parta salus tandem est & meta laborum,  
In CHRISTO mea nunc Anchora fixa manet.  
Nos fragiles morbo consumptos liquimus artus,  
Candida sidereas incolit vmbra domos.*

Beneuol. & obseruant.

ergo

M. Iacobus Hasebardus  
Danus F.



